

BASES REGULADORAS DAS SUBVENCÍONS EN REXIME DE CONCORRENCIA COMPETITIVA DO PROGRAMA DE APOIO AOS AUTÓNOMOS 2009 DO INSTITUTO LUCENSE DE DESENVOLVEMENTO ECONÓMICO E SOCIAL –INLUDES-.

O Instituto Lucense de Desenvolvemento Económico e Social –INLUDES- ven de elaborar un Plan Estratéxico de Subvencións en cumprimento do establecido na normativa reguladora estatal e autonómica. A finalidade que se persegue co este plan no ano 2009 é apoiar e coordinar a cobertura de necesidades dos municipios e dos cidadáns da provincia de Lugo relacionadas cos catro planos básicos existentes nas liñas básicas de actuación do goberno provincial: *o territorio, as persoas, os sistemas produtivos e o goberno local.*

O Plan Estratéxico de Subvencións para o ano 2009, busca aumentar a coherencia das subvencións do INLUDES entre as institucións públicas ou privadas, os recursos e as necesidades. Esta coherencia perséguese a través dunhas liñas estratéxicas que se agrupan en tres eixes:

- a) A vertebración da provincia, afondando particularmente na relación entre os Concellos, o tecido asociativo dos municipios, as institucións e administracións públicas que inciden nas relacións sociais, culturais, e de promoción económica e financeira dos pobos da provincia.
- b) A adaptación dos recursos ás necesidades mediante a diversificación de dispositivos ou a adaptación dos existentes, incluíndo como principais novidades a prevención e a atención ao medio rural.
- c) A política para as persoas como eixo central de actuación.

Estes eixes estratéxicos desenvólvense a través de distintas liñas estratéxicas de actuación sectoriais, entre as que se encontran aquelas dereita e intimamente relacionadas ca promoción do emprego, e a promoción, apoio, modernización e rehabilitación de áreas de actividade económica na nosa provincia:

Liña de actuación 1.1: Accións para a promoción do emprego.

Descrición: Axudas eficaces para a xeración de emprego estable, creadoras de vínculos de interese mutuo entre a poboación e o seu propio territorio; para a elaboración de estudos ou actividades de investigación, fomento e defensa dos intereses empresariais xerais e comúns da provincia ou a asistencia a actividades formativas que posibiliten a profesionalización e especialización dos axentes implicados no desenvolvemento do emprego.

Obxectivos:

- Mobilización de recursos.
- Corrección de desequilibrios comarcais.
- Capacitación e fixación de man de obra productiva.
- Información, asesoramento e promoción do cooperativismo.
- Promover o desenvolvemento da actividade empresarial, a mellora dos rendementos, a produtividade das empresas e a formación dos empresarios e traballadores.
- Fomentar contactos e colaboracións con entidades españolas e estranxeiras de análoga natureza que teñan repercusión no territorio provincial.

Prazo de execución: ano 2009

Contía orzamentaria: 206.000,00 €

Liña de actuación 7.1 : Promoción, apoio, modernización e rehabilitación de áreas de actividade económica na nosa provincia.

Descrición: Axudas para calquera outra actividade que supoña un fortalecemento do tecido empresarial da provincia como a posta en marcha de novas empresas, a adquisición de activos fixos, a contratación de servizos e contratos de asistencia técnica para a reformulación de procesos, axudas para a reconversión industrial, proxectos piloto e plans experimentais en materia de I+D+I...

Obxectivos:

- Estimular o crecemento dos sectores productivos, mellorando as súas condicións ambientais e a súa competitividade.
- Incorporación de innovacións tecnolóxicas e de xestión (robotización, automatismos, informatización...)
- Creación de emprego.
- Contribuír o aproveitamento racional dos recursos naturais renovables e enerxéticos

Prazo de execución: ano 2009

Contía orzamentaria: 463.500,00 €

Considerando que o colectivo de autónomos da provincia, necesita dunha especial protección nos momentos actuais de crise, e que simultaneamente presentase como un axente socio económico idóneo a través de quen a aplicar políticas dirixidas á reactivación económica e a promoción do

emprego, desenvólvese o Programa de Apoio aos Autónomos 2009, refundindo os obxectivos das dúas liñas de actuación expostas anteriormente.

Así establecece que as axudas que se outorguen con cargo a este programa nutriranse, proporcionalmente a súa dotación financeira, de ámbalas dúas liñas sectorias nas seguintes porcentaxes:

Liña	Descrición	Orzamento	Porcentaxe contribución a axuda
1.1	Accións para a promoción do emprego.	206.000,00 €	31,71671 %
7.1	Promoción, apoio, modernización e rehabilitación de áreas de actividade económica na nosa provincia.	463.500,00 €	68,28329 %

Coa finalidade de acadar os obxectivos expostos se dispoñen as presentes bases que regulan o procedemento de concesión en réxime de concorrencia competitiva de subvencións para autónomos da provincia de Lugo con cargo aos vixentes Orzamentos Xerais do INLUDES da acordo coa lexislación vixente, entre outra:

- A Lei estatal 38/2003, de 17 de novembro, Xeral de Subvencións
- RD 887/06, de 21 de xullo, polo que se aproba o Regulamento de Subvencións.
- Lei 9/2007, de 13 de xuño, de Subvencións de Galicia
- A Ordenanza xeral de subvencións da Excm. Deputación Provincial de Lugo, aprobada por acordo do Pleno de data 28 de febreiro de 2005.
- O Regulamento Orgánico da Deputación
- Bases de execución do orzamento e a normativa sobre delegación de competencias e atribucións dos órganos de goberno do INLUDES vixentes no momento da concesión.

BASE 1.Obxecto das axudas:

E obxecto das axudas o apoio aos autónomos da provincia de Lugo coa finalidade última da reactivación económica e a promoción do emprego.

Base 2.Aplicación orzamentaria

As subvencións que se establezan para as actuacións obxecto destas bases reguladoras serán con cargo as seguintes aplicacións orzamentarias do Orzamento desta entidade para o ano 2009:

32200 489	Outras transferencias	206 000,00 €
72100 470	A iniciativa privada	463.500,00 €

Base 3.Principios de xestión:

A xestión deste programa realizarase da acordo cos principios reitores que rexen as actividades do INLUDES: igualdade, solidariedade, universalidade, globalizade, publicidade, transparencia, concorrencia, obxectividade, igualdade e non discriminación, planificación, descentralización, integración, fomento da iniciativa social, accesibilidade aos servizos, atención integral, integralidade do sistema de subvencións, compatibilidade entre integralidade e estruturación territorial, distribución equitativa dos recursos, cooperación entre administracións, colaboración de entidades privadas, coordinación e garantía de bo funcionamento.

BASE 4.Beneficiario/as:

1. Poderán ser beneficiario/as das subvencións os **autónomos/as**, sempre que cumpran as condicións requiridas nestas bases e nas que concorran as seguintes circunstancias xerais:
 - a. Que a data de alta no réxime de autónomos, sexa como mínimo anterior a 31 de decembro de 2008, e este sexa mantida ao longo de toda a vixencia do procedemento ata a súa total liquidación e extinción. Terase en consideración como data de inicio aquela na que causaran alta no imposto de actividades económicas ou, de ser o caso, desde a data de alta no censo de obrigados tributarios do Ministerio de Economía e Facenda.
 - b. Que teñan a condición de PEME, da acordo coa Recomendación 2003/361/CE da Comisión Europea, de 6 de maio de 2003 (recollido no anexo I das presentes bases)
 - c. Que a renda neta do solicitante no exercicio 2008, elevada ao ano natural, non supere o IPREM anual establecido para este exercicio (7.236,60 €). No caso de autónomos que desempeñen diversas actividades, o beneficio neto será a resultante do conxunto de actividades que desempeñen.
 - d. Que realicen as accións susceptibles de subvención en sectores distintos da pesca e acuicultura, construción naval, carbón, aceiro e fibras sintéticas. Non se aplicarán as actividades ligadas á produción primaria de produtos enumerados no anexo I do tratado constitutivo da Comunidade Europea. Non se poderán conceder as axudas recollidas nestas bases ás empresas en crise, de acordo coa definición das Directrices comunitarias sobre

axudas estatais de salvamento e reestruturación de empresas en crise (DOC 244 do 1/10/2004).

- e. Que teña o seu domicilio social, fiscal e o seu centro de traballo nalgún dos concellos da provincia de Lugo.
 - f. E que cumpran, así mesmo, cos requisitos específicos establecidos nestas bases.
2. Non poderán obter a condición de beneficiarios das subvencións reguladas nas presentes bases os autónomos nas que concorran as circunstancias sinaladas no punto 2º do artigo 13 da Lei 38/2003 de xeral de subvencións:
- a. Ser condenadas mediante sentenza firme á pena de perda da posibilidade de obter subvencións ou axudas públicas.
 - b. Solicitar a declaración de concurso, ser declarados insolventes en calquera procedemento, acharse declarados en concurso, estar suxeitos a intervención xudicial ou ser inhabilitados conforme á Lei Concursal sen que conclúa o período de inhabilitación fixado na sentenza de cualificación do concurso.
 - c. Dar lugar, por causa da que fosen declarados culpables, á resolución firme de calquera contrato celebrado coa administración.
 - d. Estar incurso a persoa física, nalgún dos supostos da Lei 12 /1995 de 11 de maio, de incompatibilidades dos Membros do Goberno da Nación e dos Altos Cargos da Administración Xeral do Estado, da Lei 53/ 1984 de 26 de decembro, de Incompatibilidades do persoal ao Servizo das Administracións Públicas, ou tratarse de calquera dos cargos electivos regulados na Lei Orgánica 5 / 1985 de 19 de xuño, do Réxime Electoral Xeral nos termos establecidos na mesma ou na normativa autonómica que regule estas materias.
 - e. Non acharse ao corrente de pago de obrigas por reintegro de subvencións nos termos que regulamentariamente se determinen.
 - f. Non acharse ao corrente no cumprimento das obrigas tributarias ou fronte á Seguridade Social impostas polas disposicións vixentes.
 - g. Ser sancionado mediante resolución firme coa perda de obter subvencións segundo a Lei Xeral Tributaria.

- h. Encontrarse nalgún dos supostos que impiden a obtención da condición de beneficiario sinalados no apartado 3. do artigo 13. da Lei 38/2003, de 17 de novembro, Xeral de Subvencións.
3. No caso de sociedades civís e comunidades de bens deberá facerse constar expresamente tanto na solicitude como na resolución de concesión, os compromisos de execución asumidos por cada membro/a de agrupación, así como o importe da subvención que se vai a aplicar para cada un deles, que terán igualmente a condición de beneficiario. En calquera caso, deberán nomear unha persoa representante ou apoderada única da agrupación, con poderes bastantes para cumprir as obrigas que, como beneficiaria, lle corresponda á agrupación.

Base 5. GASTOS SUBVENCIONABLES

Se considerarán subvencionables aqueles gastos, que realizados no exercicio 2009, respondan de xeito indubidable á natureza da actividade subvencionada, coa consideración de ser fiscalmente deducibles, exceptuando as amortizacións do inmovilizado e os aprovisionamentos (considerados segundo o establecido na estrutura da conta de perdas e ganancias no REAL DECRETO 1514/2007, de 16 de novembro, polo que se aproba o Plan Xeral de Contabilidade).

A efectos do disposto no artigo 31.2 da Lei 38/2003, de 17 de novembro, Xeral de Subvencións, non será necesario que o gasto fose efectivamente pagado con anterioridade á finalización do período de xustificación para que este teña a consideración de gasto efectivamente realizado.

En ningún caso o custo dos gastos subvencionables poderá ser superior ao valor de mercado. O incumprimento da obriga de destino, que se producirá en todo caso coa enaxenación ou o gravame do ben, será causa de reintegro nos termos establecidos na Lei Xeral de Subvencións. As contías asignadas na convocatoria específica non será susceptible de incremento ou revisión e en ningún caso orixinará dereito ou constituirá precedente algún para futuras concesións.

Tendo en conta o artigo 31 da Lei 38/2003 Xeral de Subvencións en ningún caso serán gastos subvencionables os intereses debedores das contas bancarias; intereses, recargas e sancións administrativas e penais nin os gastos de procedementos xudiciais. Os tributos serán gasto subvencionable cando o beneficiario da subvención abónaos efectivamente. En ningún caso considéranse gastos subvencionables os impostos indirectos cando sexan susceptibles de recuperación ou compensación nin os impostos persoais sobre a renda.

Base 6. Contía das subvencións.

O INLUDES poderá subvencionar, dentro da súa dotación presupostaría, ata un 100% do gastos subvencionables aceptados definíndose a porcentaxe subvencionado en función da avaliación técnica que se realice en aplicación dos criterios que se definen na base 9 e cun máximo establecido de 3.000,00€ por autónomo/a beneficiario/a.

Estes gastos poderán ser computados sempre que as facturas estean estendidas a nome do solicitante.

Non se computarán como gastos subvencionables aqueles no reflectidos na presente base nin aqueles que exclúa expresamente a lei.

Base 7. Solicitudes

Presentarase unha solicitude dirixida ao Ilmo. Sr. Presidente do Instituto Lucense de Desenvolvemento Económico e Social –INLUDES- e axustada aos modelos normalizados que figuran como anexos, e irán acompañadas dos documentos preceptivos e establecidos nas presentes bases. Os modelos de solicitude serán facilitados directamente polo INLUDES ademais de estar a disposición dos interesados na páxina web da Excma. Deputación Provincial de Lugo www.deputacionlugo.org

Se presentarán preferentemente no Rexistro Xeral do INLUDES (de luns a venres de 10:00a 14:00) ou por calquera dos medios previstos no artigo 38.4 da Lei 30/92 de 26 de novembro e a Lei 4/99 de modificación da anterior, de Réxime Xurídico das Administracións Públicas e do Procedemento Administrativo Común.

O órgano competente para a convocatoria do procedemento será o Ilmo. Sr. Presidente do INLUDES, sendo publicada no Boletín Oficial da Provincia e medios de comunicación social. O prazo de presentación de solicitudes será dende o 15 de setembro de 2009 ata o 30 de setembro de 2009.

As solicitudes presentadas fóra de prazo, en ningún caso, serán admitidas para participar na convocatoria.

A presentación das solicitudes supón a aceptación incondicional das presentes bases e das condicións, requisitos e obrigas contidas nas mesmas.

A concorrencia ó proceso de concesión de subvencións implicará a manifestación tácita do consentimento inequívoco ao tratamento de datos de carácter persoal e a súa publicación, da acordo co previsto na Lei Orgánica 15/99 de 13 de decembro, de protección de datos de carácter persoal. A finalidade da recolla e tratamento dos datos persoais será estritamente a xestión e tramitación do expediente correspondente.

Base 8. Documentación

As solicitudes deberán ir acompañadas, **en orixinal ou copia compulsada**, da seguinte documentación:

- Solicitud debidamente cumprimentada (modelo anexo II)
- DNI ou NIF da persoa solicitante
- Documentos acreditativos de alta na Seguridade Social do solicitante no Réxime Especial da Seguridade Social de Traballadores Autónomos, réxime especial que corresponda o mutualidade do Colexio profesional
- Certificado actualizado de figurar de alta no Imposto de Actividades Económicas onde se indique todas as epígrafes do IAE no que figura de alta ou, de ser o caso, alta no censo de obrigados tributarios no Ministerio de Economía e Facenda
- Vida Laboral do autónomo e Vida Laboral do autónomo como empresa no caso de ter asalariados, actualizado a data da convocatoria.
- Certificado de Renda 2008.
- Declaracións do imposto sobre a renda das persoas físicas relativo ao exercicio fiscal 2008.
- Declaración xurada asinada polo solicitante onde se fagan constar as seguintes circunstancias e segundo o modelo establecido no anexo das presentes bases (modelo anexo III):
 - Que o solicitante reúne as condicións para poder ser beneficiario da subvención solicitada da cordo co establecido na convocatoria.
 - Que como autónomo teña a condición de PEME de acordo coa recomendación da Comisión das Comunidades Europeas de 6 de maio de 2003.
 - Declaración doutras axudas para a mesma finalidade, concedidas ou solicitadas, así como da súa contía segundo modelo establecido nos anexos.
 - Declaración expresa do solicitante de que os provedores non están vinculados coa entidade solicitante ou cos seus órganos directivos ou xestores, nin concorrer neles ningunha das prohibicións recollidas no artigo 29. 7º da Lei 38/2003 Xeral de Subvencións, de 17 de novembro., nin no regulamento que desenvolve a citada lei.
 - Declaración expresa do cadro de persoal da empresa (anexo III).
 - Declaración xurada de (modelo anexo IV):
 - encontraren ao día das súas obrigas tributarias estatais

- encontraren ao día das súas obrigas tributarias autonómicas
 - non ter pendente ningunha débeda coa Seguridade Social
 - non ter pendente ningunha débeda coa Excm. Deputación Provincial de Lugo
 - non ter pendente ningunha débeda có INLUDES.
 - non ter pendente de xustificación subvencións anteriores concedidas polo INLUDES.
- Memoria económica e técnica, conforme ao modelo establecido nos anexos destas bases, na que se fará constar unha descrición da actividade así como, unha **estimación de gastos subvencionables da actividade para o exercicio 2009** (Axexo V)
 - Documentación necesaria en orde a aplicación dos criterios de valoración, podendo o INLUDES requirir calquera documento que se considere necesario para a ampliación e/ou xustificación desta memoria. Cando proceda a acreditación da pertenza a colectivos en réxime de exclusión social, certificado acreditativo ou informe dalgunha das seguintes situacións (ver anexo I)

Base 9. Criterios de Avaliación. Clasificación de Expedientes

A avaliación das solicitudes se efectuará por unha Comisión de Valoración presidida polo Ilmo. Sr. Presidente do INLUDES, a Vicepresidenta 2ª e Delegada de Promoción Económica e Emprego, catro vogais e un Secretario. A Comisión poderá estar asistida por expertos técnicos.

Así mesmo a Comisión poderá dispor a constitución dunha subcomisión técnica para os efectos de colaborar na revisión e valoración dos documentos achegados xunto coa solicitude.

Corresponde á Comisión de Valoración formular a proposta de resolución. A proposta, que non terá carácter vinculante, deberá expresar o solicitante ou a relación de solicitantes para os que se propón a concesión da subvención, e a súa contía, expresando os criterios de valoración seguidos para efectuala.

Como criterios obxectivables en orde á determinación da contía das subvencións rexerán por orde decrecente de importancia e pola ponderación que se lles atribúa, sobre unha porcentaxe do 100%, os seguintes criterios:

CRITERIOS DE BAREMACIÓN DA SUBVENCIÓN					
	MÁXIMO	DO GRUPO TOTAL	DO GRUPO MEDIA	PONDERACION	GRUPO PUNTAJACION DO
1. Características do concello					
1.1 Densidade de poboación do concello	5	10	5	3	15
1.2 Taxa de desemprego do concello	5				
2. Rendemento actividade económica do solicitante					
2.1 Baixo rendemento neto da actividade do ano 2008	5	5	5	10	50
3. Creación / mantemento de emprego					
3.1 Número de postos de traballo estables (traballadores e autónomo) no a data de convocatoria. Entenderase por traballo estable, no caso de asalariados, aqueles que figuren con contratos indefinidos.	5	5	5	4	20
4. Polas características do empresario/traballadores					
4.1. Menores de 30 anos o maiores de 45	5	10	5	3	15
4.2. Pertenza a colectivos en situación de desvantaxe social (anexo I)	5				
Total					100

A concesión de subvencións está limitada pola dotación económica da convocatoria, polo que unha vez esgotada a mesma procederase á denegación.

A Comisión de Valoración poderá propoñer a Comisión Executiva do INLUDES o prorrateo do importe do crédito dispoñible para as axudas, entre todas ou parte das solicitudes que cumpran os criterios establecidos, tendo en conta o baremo, e no caso de que o crédito dispoñible resulte insuficiente para atender ás mesmas

Na proposta de concesión que formule a Comisión de Valoración figurarán de xeito individualizado os solicitantes propostos para obter a subvención, especificándose a avaliación que lles corresponde. Así mesmo indicarse o importe da subvención para cada un deles, ata esgotar o crédito dispoñible recollido nestas bases.

Base 10. Instrución do procedemento:

A instrución do procedemento e a súa posterior tramitación se realizará da acordo co estipulado na lexislación vixente, e nas bases de execución do orzamento do INLUDES para o exercicio 2009.

Recibida a solicitude, comprobarase que esta reúne os requisitos esixidos e se acompaña á mesma da documentación pertinente. De non ser o caso se requirirá ao solicitante para que no prazo improrrogable de 10 días hábiles subsane esta falta ou acompañe os documentos preceptivos, con

indicación de que, se así non o fixera, se terá por desistido da súa petición, arquivándose sen máis trámite, de conformidade co establecido no artigo 71 da Lei 30/92 de RJAP e PAC, na redacción dada pola Lei 4/99 de 13 de xaneiro.

O órgano instrutor poderá decidir de oficio e por razóns de eficiencia na asignación de recursos a ampliación dos prazos recollidos nas presentes bases, salvo no sinalado no parágrafo anterior.

En interese da solicitude, poderá requirirse aos interesados para que aporten cantos datos e documentos sexan precisos para concluír o expediente administrativo á maior brevidade posible.

O órgano instrutor, á vista do expediente e do informe da Comisión de Valoración, formulará unha resolución definitiva, que deberá expresar o solicitante ou relación de solicitantes para os que se propón a concesión da subvención e a súa contía, especificando a súa avaliación e os criterios de valoración seguidos para efectual. Esta resolución definitiva se notificará aos interesados que foran propostos como beneficiarios na fase de instrución. Posteriormente os beneficiarios deberán aceptar ou rexeitar a resolución de concesión de axuda, así como as súas condicións, no prazo de 10 días hábiles dende a notificación da concesión, en caso contrario, entenderase aceptada tacitamente.

Base 11. Resolución:

As subvencións se outorgarán mediante resolución da Comisión Executiva do INLUDES a proposta da Vicepresidenta 2ª e Delegada de Promoción Económica e Emprego previa proposta da Comisión de Valoración, que será notificada aos interesados da acordo co previsto no artigo 58 da Lei 30/92 de Réxime Xurídico das Administracións Públicas e Procedemento Administrativo Común. A práctica da notificación se realizará da acordo co regulado no artigo 59 da citada Lei.

O INLUDES publicará no Boletín Oficial da Provincia as subvencións concedidas con expresión da convocatoria, o programa e crédito orzamentario ao que se imputen, beneficiario, orzamento aprobado e cantidade concedida. Consignaranse na publicación tanto as solicitudes estimadas como as desestimadas, establecéndose respecto as desestimadas as causas da súa exclusión e a puntuación obtida no suposto de que o motivo da denegación sexa a insuficiencia da dotación orzamentaria.

A resolución do procedemento poñerá fin á vía administrativa e será recorrible da acordo co establecido na Lei 30/92 de 26 de novembro, modificada pola Lei 4/99 de 13 de xaneiro, podendo interpoñerse contra a mesma recurso de reposición ante o órgano que a ditou, no prazo de un mes contado a partir do día seguinte ao da notificación, ou directamente recurso contencioso-administrativo ante o Xulgado da devandita xurisdición en Lugo, no prazo de dous meses contados a partir do día seguinte á notificación.

O prazo máximo para resolver será de tres meses contados a partir do día en que remata o prazo de presentación de solicitudes e cunha data límite de 30 de decembro de 2009.

As alteracións das circunstancias e dos requisitos subxectivos e obxectivos, tidos en conta para a concesión da subvención e, en todo caso, a obtención polo beneficiario de axudas e subvencións concedidas por calquera outra Administración ou Ente Público para o mesmo destino ou finalidade, así como a obtención de axudas ou outras atribucións patrimoniais gratuítas de entidades privadas ou particulares para o mesmo destino ou finalidade, ou a superación dos topes previstos pola normativa comunitaria poderán dar lugar á modificación da resolución de concesión.

Base 12. Xustificación e aboamento das subvencións:

Unha vez realizada a acción obxecto de subvención no prazo establecido, as beneficiarios destas axudas deberán xustificar o cumprimento da mesma. O incumprimento de prazo dará lugar á perda do dereito a percibir a subvención outorgada.

A xustificación da subvención realizarase mediante a presentación da conta xustificativa polo beneficiario. Deberá conter a seguinte documentación:

1. Unha memoria da actuación xustificativa do cumprimento das condicións impostas na concesión da subvención, con indicación das actividades realizadas, o custo total e os resultados obtidos debidamente asinada pola persoa responsable.
2. Unha memoria económica, xustificativa do custo da actividade subvencionada, que deberá conter polo menos:
 - Unha relación clasificada dos gastos da actividade subvencionada, pola contía da subvención concedida, con identificación do acredor e do documento, o seu importe, data de emisión e, no seu caso, data de pagamento. No caso de que a subvención se outorgue con arranxo a un orzamento estimado, se indicarán as desviacións acaecidas.
 - Os gastos, por contía igual á concedida, se acreditarán mediante facturas ou demais documentos de valor probatorio equivalente con validez no tráfico xurídico mercantil ou con eficacia administrativa, nos termos establecidos regulamentariamente. A acreditación dos gastos tamén poderá efectuarse mediante facturas electrónicas, sempre que cumpran os requisitos esixidos para a súa aceptación no ámbito tributario. Os xustificantes orixinais presentados se marcarán cunha estampilla, indicando na mesma a subvención para cuxa xustificación foron presentados e si o importe do xustificante se imputará total ou parcialmente á subvención.

- Certificado ou declaración responsable de que o importe da subvención illadamente ou en concorrencia con subvencións ou axudas doutras Administracións Públicas ou privadas, nacionais ou internacionais non supera o custo total da actividade a desenvolver.
 - Un detalle doutros ingresos ou subvencións que financiaran a actividade subvencionada con indicación do importe e procedencia.
 - Declaración responsable de que o importe da subvención se destinou ao actividade subvencionada e que os gastos presentados corresponden á realización do devandito proxecto ou actividade.
 - Certificacións ou declaración responsable de atoparse ao corrente no cumprimento das súas obrigas tributarias e fronte á Seguridade Social e non teña pendente de pagamento ningunha outra débeda coa Administración Pública da Comunidade Autónoma, Excma. Deputación Provincial de Lugo, INLUDES ou sexa debedor por resolución de procedencia de reintegro.
3. Vida laboral actualizada a data da conta xustificativa do autónomo como persoa física, e da autónomo como empresarios (no caso de ter asalariados) onde se comprobe o mantemento de emprego tidos en conta para a baremación da subvención concedida.
 4. Certificación bancaria da conta corrente do autónomo expedida pola persoa autorizada da entidade bancaria, da conta na que se procederá, se corresponde, ao aboamento da correspondente subvención. O abono da subvención, unha vez aprobada a conta xustificativa da mesma, será efectuada mediante transferencia bancaria á conta sinalada polo beneficiario.

Base 13. Prazo de xustificación

A rendición da conta xustificativa constitúe un acto obrigatorio do beneficiario, e a súa presentación se realizará no prazo de **tres** meses a contar a partires da notificación da resolución da subvención concedida e, en calquera caso, antes do 15 de abril de 2010.

Transcorrido este prazo de xustificación sen que a mesma fose presentada ante a área de xestión competente, esta requirirá ao beneficiario para que no prazo improrrogable de quince días sexa presentada. A falta de presentación da xustificación neste prazo adicional levará consigo a revogación da subvención.

Base 14. Reducións:

Recibida a conta xustificativa, a área de xestión competente revisará a documentación presentada polos beneficiarios comprobando o cumprimento das condicións que motivaron a resolución de concesión da subvención.

Cando exista diferenza entre o importe da subvención concedida e a relación clasificada dos gastos presentada na conta xustificativa, procederase a practicar a redución do importe da subvención ate o importe da relación clasificada dos gastos.

En ningún caso o importe da subvención illadamente ou en concorrencia con outras axudas ou subvencións para a mesma finalidade excederá do 100% do custo total da actividade executada segundo a memoria de actuación xustificativa presentada.

Base 15. Obrigas das persoas beneficiarias

Os beneficiarios das subvencións reguladas nas presentes bases virán obrigadas a xustificar a aplicación dada aos fondos recibidos ante o INLUDES, tendo ademais as seguintes obrigas:

- Someterse ás actuacións de seguimento, control e avaliación que puidera efectuar a Deputación de Lugo e o INLUDES para garantir a correcta aplicación da subvención, mediante seus órganos de control económico financeiro ou a través da contratación dun servizo externo de auditoría.
- Permitir en calquera momento a inspección e control do destino da subvención e o cumprimento dos fins para os que foi concedida. Para este efecto o beneficiario poñerá a disposición dos devanditos órganos toda a documentación que lle requiran coa fin de realizar un correcto control e inspección sobre os gastos para os que se concede a achega económica
- Facilitar os datos necesarios para realizar a tarefa de seguimento durante a execución do proxecto
- Comunicar a obtención doutras subvencións ou axudas económicas para a mesma finalidade, procedentes doutras administración ou entes públicos ou privados, nacionais ou internacionais así como calquera variación nas circunstancias que fundamentasen a concesión da subvención.
- Xustificar axeitadamente a subvención na forma prevista nestas bases.
- Acreditar con anterioridade a ditarse a proposta de resolución de concesión que está ao corrente das obrigas tributarias, fronte á Seguridade Social e de cantas outras poidan ser esixibles legalmente.

- As que con carácter xeral esixa a convocatoria e as disposicións legais de subvencións (Lei 9/2007 de 13 de xuño de subvencións de Galicia).

Base 16. Incumprimentos e reintegros

Procederá o reintegro das cantidades percibidas e a existencia do xuro de demora correspondente desde o momento do pagamento da subvención ata a data na que se acorde a procedencia do reintegro nos casos sinalados no artigo 33 da lei 9/2007 de 13 de xuño de subvencións de Galicia, e en especial:

- a. Obtención da subvención falseando as condicións requiridas para iso e ocultando aquelas que o impedisen.
- b. Incumprimento total ou parcial do obxectivo, da actividade ou do proxecto ou non adopción do comportamento que fundamentan a concesión da subvención.
- c. Incumprimento da obriga de xustificación ou a xustificación insuficiente nos termos establecidos na lexislación sobre subvencións e no regulado nas presentes bases.
- d. Resistencia, escusa, obstrución ou negativa ás actuacións e comprobación e control financeiro previstas na lexislación de subvencións así como o incumprimento das obrigas contables, rexistrais ou de conservación de documentos cando deles se derive a imposibilidade de verificar o emprego dado aos fondos percibidos, o cumprimento do obxectivo, a realidade e regularidade das actividades subvencionadas ou a concorrencia de subvencións, axudas, ingresos ou recursos para a mesma finalidade, procedentes de calquera outra administración ou ente público ou privado, nacional, da Unión Europea ou de organismos internacionais.
- e. Incumprimento das obrigas impostas pola Administración aos beneficiarios, así como dos compromisos por estes asumidos, con motivo da concesión da subvención, sempre que afecten ou que se refiran ao modo en que se han de acadar os obxectivos, realizar a actividade, executar o proxecto ou adoptar o comportamento que fundamenta a concesión da subvención.
- f. Incumprimento das obrigas impostas pola Administración aos beneficiarios, así como dos compromisos por estes asumidos, con motivo da concesión da subvención, distintos dos anteriores, cando de elo se derive a imposibilidade de verificar o emprego dado aos fondos percibidos, o cumprimento do obxectivo, a realidade e regularidade das actividades subvencionadas, ou a concorrencia de subvencións, axudas, ingresos ou recursos para unha mesma finalidade, procedentes de calquera administración ou ente público ou privado, nacional, da Unión Europea ou de organismos internacionais .

- g. A adopción, en virtude do establecido nos artigos 87 a 89 do Tratado da Unión Europea, dunha decisión da que se derive unha necesidade de reintegro.
- h. Nos demais supostos establecidos nas presentes bases e demais lexislación sobre subvencións.

Base 17. Plan Anual de Comprobación

Aos efectos de comprobar a realización da actividade, acción ou comportamento e do cumprimento da finalidade que determine a concesión e goce da subvención, o INLUDES poderá elaborar un plan anual de comprobación cuxo alcance será o 20% do total de solicitudes concedidas. A selección das solicitudes a comprobar realizarase a través dunha mostra aleatoria simple sen reposición dos elementos a realizar a través dun programa informático segundo o número de rexistro das solicitudes que participaron no concurso.

O período de realización das comprobacións comprenderá os dous anos seguintes a partir da pechadura de todos os expedientes de conta xustificativa da convocatoria.

Os aspectos fundamentais a comprobar serán:

- A execución efectiva da actividade, acción ou comportamento.
- O cumprimento do obxecto da subvención.
- Os datos económicos da conta xustificativa.
- Aqueles datos que pola súa natureza puideron repercutir sobre o proceso de concorrencia competitiva danando dereitos de terceiros.

Os beneficiarios están na obriga de conservar os documentos xustificativos da aplicación dos fondos recibidos, en tanto poidan ser obxecto das actuacións de comprobación e control, especialmente, as facturas ou documentos de valor probatorio equivalente no tráfico xurídico mercantil ou con eficacia administrativa e incorporados na relación clasificada presentada na conta xustificativa.

LUGO, 1 DE SETEMBRO DE 2009

O ASESOR TÉCNICO

LUÍS RODRÍGUEZ EDROSA
A VICEPRESIDENTA 2ª DA EXCMA. DEPUTACIÓN PROVINCIAL DE LUGO
DELEGADA DO ÁREA DE PROMOCIÓN ECONÓMICA E EMPREGO

LARA MÉNDEZ LÓPEZ

ANEXOS

ANEXO I

CONCEPTOS

DEFINICIÓN DE MICROEMPRESAS, PEQUENAS E MEDIANAS EMPRESAS ADOPTADA POLA COMISIÓN EUROPEA

RECOMENDACIÓN DE 6 DE MAIO DE 2003 (2003/361/CE)

Se considerará empresa toda entidade, independentemente da súa forma xurídica, que exerza unha actividade económica. En particular, se considerarán empresas as entidades que exerzan unha actividade artesanal ou outras actividades a título individual ou familiar, as sociedades de persoas e as asociacións que exerzan unha actividade económica de xeito regular.

1. A categoría de microempresas, pequenas e medianas empresas (PYME) está constituída polas empresas que ocupan a menos de 250 persoas e que teñan un volume de negocios anual que non exceda de 50 millóns de euros ou cun balance xeral anual que non exceda de 43 millóns de euros.
2. Na categoría de PYME, se define a unha pequena empresa como unha empresa que ocupa a menos de 50 persoas e que teña un volume de negocios anual ou un balance xeral anual de menos de 10 millóns de euros.
3. Na categoría de PYME, se define a unha microempresa como unha empresa que ocupa a menos de 10 persoas e que teña un volume de negocios anual ou un balance xeral anual de menos de 2 millóns de euros.

O cómputo dos efectivos de persoal e os límites no caso de empresas asociadas ou vencelladas accionarialmente con terceiras, deberá efectuarse como dispón o artigo 6, puntos 2º e 3º do anexo da citada Recomendación.

COLECTIVOS EN SITUACIÓN DE DESVANTAXE SOCIAL

- Mulleres, en particular as que teñan acreditadas pola administración a condición de vítimas da violencia de xénero.
- Empresarios/traballadores menores de 30 anos ou maiores de 45.
- Persoas con discapacidade, aquela que teña recoñecida pola Administración competente un grao de discapacidade igual ou superior ao 33%.

- Emigrantes españois retornados. Aqueles que cumpran coa condición de que non transcorresen máis de dous anos entre a data de retorno e a data de alta no correspondente réxime da seguridade Social ou en mutualidade de colexio profesional.
- Poboación inmigrante, solicitantes de asilo e refuxiados, minorías étnicas cuxas características poidan condicionar as súas posibilidades de integración social.
- Persoas pertencentes a familias vulnerables: entendéndose como fogares monoparentales especialmente nos que a cabeza de familia é unha muller. Considerase responsable dunha familia monoparental e con cargas familiares aquela persoa solteira, viúva, separada ou divorciada que teña ao seu coidado fillos menores de 21 anos ou persoas maiores incapacitadas que non obteñan ingresos de ningunha natureza superiores ao 75% do salario mínimo interprofesional vixente no momento da solicitude.
- Persoas que participen ou participasen en proxectos de rehabilitación ou reinserción social de drogodependentes debidamente acreditados ou autorizados.
- Poboación exreclusa.

Número expediente

(a cubrir polo INLUDES)



SELO DE REXISTRO

PROGRAMA DE APOIO AOS AUTÓNOMOS DA PROVINCIA DE LUGO 2009

ANEXO II: SOLICITUDE

DATOS DO SOLICITANTE:

NOME	APELIDOS	NIF	
ENDEREZO			CÓDIGO POSTAL
CONCELLO	PROVINCIA	TELÉFONO MÓVIL	TELÉFONO FIJO
FAX	CORREO ELECTRÓNICO	ACTIVIDADE PRINCIPAL	
	@	-	

DOMICILIO A EFECTOS DE NOTIFICACIÓN

ENDEREZO			CÓDIGO POSTAL
CONCELLO	PROVINCIA	TELÉFONO	FAX

CRITERIOS DE BAREMACIÓN

EPÍGRAFE PRINCIPAL DO IAE	CONCELLO DE ALTA NO IAE
-	
RENDA NETA DO SOLICITANTE NO EXERCICIO 2008: , €	
NÚMERO DE POSTOS DE TRABALLO INDEFINIDOS, INCLUÍDO O AUTÓNOMO:	
NÚMERO DE TRABALLADORES INDEFINIDOS, INCLUÍDO O AUTÓNOMO MENORES DE 30 A O MAIORES DE 45 ANOS :	
NÚMERO DE TRABALLADORES INDEFINIDOS, INCLUÍDO O AUTÓNOMO: QUE PERTENZCAN A COLECTIVOS EN SITUACIÓN DE DESVENTAXE SOCIAL (VER ANEXO I)	

SOLICITA A SUBVENCIÓN DE APOIO AOS AUTÓNOMOS DA PROVINCIA DE LUGO 2009 E DECLARA QUE TODOS OS DATOS QUE CONSTAN

NESTA SOLICITUDE E NOS DOCUMENTOS QUE SE XUNTAN SON CERTOS

, a de de 2009

Asdo.: (Nome e apelidos e sinatura)

ANEXO III- DECLARACIÓN XURADA

Don/a [REDACTED] con NIF. [REDACTED], con domicilio para os efectos de notificación en [REDACTED] localidade [REDACTED] e concello de [REDACTED] (Lugo),

DECLARA QUE: (TACHAR O BORRAR AS CONDICIÓN S QUE NON SE CUMPRAN)

- a) Reunir as condicións para poder ser beneficiario da subvención solicitada da cordo co establecido na convocatoria.
- b) Ter a condición de PEME na categoría de [REDACTED] segundo o establecido na Recomendación da Comisión Europea de 6 de maio de 2003 sobre a definición de **microempresas, pequenas e medianas empresas.**

c) Que: **(marcar unha opción)**

non ten solicitado ou percibido ningunha outra axuda das administracións ou entidades públicas para a mesma finalidade

ten solicitado ou percibido axudas e/ou subvencións dos organismos que se mencionan a seguir:

CONVOCATORIA	ORGANISMO	DATA	SOLICITADA/ CONCEDIDA/ PAGADA	IMPORTE

- d) Os provedores non están vencellados coa empresa solicitante ou cos seus órganos directivos ou xestores, e non concorre neles ningunha das prohibicións recollidas na Lei 38/2003 de 17 de novembro, xeral de subvencións, nin no artigo 68 do Real Decreto 887/2006 que desenvolve a citada Lei.
- e) Actualmente teño rexistrados na miña conta de cotización de autónomo como empresario [REDACTED] traballadores **indefinidos**, dos cales [REDACTED] son menores de 30 o maiores de 45 anos, ademais [REDACTED] encóntranse en situación de desvantaxe social (Anexo I).

[REDACTED], a [REDACTED] de [REDACTED] de 2009

Asdo.: [REDACTED] (Nome e apelidos e sinatura)

ANEXO IV- DECLARACIÓN XURADA

Don/a [REDACTED] con NIF. [REDACTED] , con domicilio para os efectos de notificación en [REDACTED] localidade [REDACTED] e concello de [REDACTED] (Lugo),

DECLARO QUE: (tachar o borrar as condicións que non se cumpran)

- a) Actualmente, non teño pendente de ingreso ningunha reclamación por débedas xa vencidas coa Seguridade Social.
- b) Actualmente, me atopo ao corrente no cumprimento das obrigas tributarias estatais coa Axencia Tributaria.
- c) Actualmente, non teño pendente ningunha débeda en período executivo coa Administración Pública da Comunidade Autónoma de Galicia.
- d) Actualmente, non teño pendente ningunha débeda coa Excma. Deputación Provincial de Lugo
- e) Actualmente, non teño pendente ningunha débeda có INLUDES
- f) Que non teño pendente de xustificación subvencións anteriores concedidas polo Instituto Lucense de Desenvolvemento Económico e Social.

Para que conste, co fin de solicitar a subvención en concorrencia competitiva do Programa de Apoio aos Autónomos da Provincia de Lugo 2009 convocado polo Instituto Lucense de Desenvolvemento Económico e Social asino esta declaración.

[REDACTED], a [REDACTED] de [REDACTED] de 2009

Asdo.: [REDACTED] (Nome e apelidos e sinatura)

ANEXO V: MEMORIA TÉCNICA E MEMORIA ECONÓMICA

MEMORIA TÉCNICA

Don/a [REDACTED] con NIF. [REDACTED], con domicilio para os efectos de notificación en [REDACTED] localidade [REDACTED] e concello de [REDACTED] (Lugo),

Desenvolve como autónomo actualmente a seguinte actividade profesional (descrición da actividade)

[REDACTED]

MEMORIA ECONÓMICA

A estimación de gastos subvencionables na miña actividade de [REDACTED] como autónomo para o exercicio 2009 ascende a unha contía de [REDACTED], [REDACTED] € (IVE non incluído) para a cal solicito unha subvención de ata o 100% desta estimación ao Instituto Lucense de Desenvolvemento Económico e Social ao abeiro do Programa de Apio aos Autónomos da Provincia de Lugo no exercicio 2009.

IMPORTE TOTAL DOS	BASE	TOTAL IVE	TOTAL
GASTOS SUBVENCIONABLES			

[REDACTED], a [REDACTED] de [REDACTED] de 2009

Asdo.: [REDACTED] (Nome e apelidos e sinatura)

DOCUMENTACIÓN QUE SE XUNTA (MARCAR CUN X A QUE CORRESPONDA):

As solicitudes deberán ir acompañadas, **en orixinal ou copia compulsada**, da seguinte documentación:

- Solicitud, Anexo II
- DNI ou NIF da persoa solicitante
- Documento acreditativo de alta na Seguridade Social do solicitante no Réxime Especial da Seguridade Social de Traballadores Autónomos, réxime especial que corresponda o mutualidade do colexio profesional
- Certificado actualizado de figurar de alta no Imposto de Actividades Económicas onde se indique todas as epígrafes do IAE no que figura de alta ou, de ser o caso, alta no censo de obrigados tributarios no Ministerio de Economía e Facenda
- Certificado da Renda 2008
- Declaración do imposto sobre a renda das persoas físicas relativo aso exercicio 2008.
- Informe de vida laboral do solicitante, así como, no caso de ter asalariados vida laboral do autónomo como empresa) actualizado á data da convocatoria.
- Anexo III
- Anexo IV
- Anexo V
- Documentación necesaria en orde a aplicación dos criterios de valoración, podendo o INLUDES requirir calquera documento que se considere necesario para a ampliación e/ou xustificación desta memoria. Cando proceda certificado acreditativo ou informe dalgunha das seguintes situacións:
 - Certificado de discapacidade
 - Informe emitido por un servizo público, xustificativo da situación, no caso de ser vítima de violencia de xénero.
 - Documento acreditativo da situación de emigrante retornado ou inmigrante
 - Informe acreditativo de atoparse en situación de desvantaxe social no resto dos casos